

重修廣平府志卷四十

古蹟略 寺觀上

永年縣

保慶寺在縣治東

縣志

隋建明洪武五年重修

畿輔通志

萬

歷十五年知府蔣以忠續修有郡人賈待問碑記

採訪冊

唐司空曙詩黃葉前朝寺無僧寒殿開池晴龜出曝松
暝鶴飛回古砌碑橫草陰廊畫雜苔禪宮亦銷歇塵世

轉堪哀

昭福寺在縣西南十里唐貞觀四年建有岑文本撰碑

元和志

今基址無攷

採訪冊

鐵佛寺在南關相傳像是大水浮來者

縣志

普會寺在城東北二十里夏堡村俗名夏堡寺故址在城西北魏永平三年創建宋崇甯甲申易名天甯萬壽禪院金天會中僧同休始改建今地仍名普會寺正隆三年僧智安重修明成化中僧如金增建千佛閣嘉靖庚申僧妙忠癸亥僧妙省萬厯五年僧妙聰八年知府趙奮薛鑰知縣馬翰如四十六年郡人劉應麟各有修葺

國朝順治十四年康熙三十七年重修寺內圓通閣

縣志同

治年間重修毘盧殿光緒十九年復修大雄殿

採訪冊金郝

大亭記略洺州普會禪院始建在州之西北隅屢經遷易擾攘前世故實毀剝殆盡獨寺僧道本囑曰賜額於

永平三年而不知世代竊謂年號永平凡有四焉東漢也西晉也後魏也後蜀也東漢明帝夜夢金色人飛行殿庭以問於朝而傅毅以佛對帝遣蔡愔秦景使天竺求之得佛經四十二章及釋迦立像並與沙門攝摩騰竺法蘭東還其來也以白馬負經因立白馬寺於洛城雍門之西以處之茲佛寺之始也猶未及於天下西晉惠帝昏蒙失御政荒民散方自救之不暇何暇於佛哉後魏宣武與梁武帝同時南北相望事佛甚謹四方嚮慕豈建於斯時也後蜀王建偏霸一方復何與焉厯隋唐五代僅五百餘年迨崇甯甲申易爲天甯萬壽禪寺前所謂普會者名隨實泯大與地遷沒而不聞矣俄普會舊僧同休慨然憫之與其徒道本廣詢勝地慎訪奧壤積以歲時始於州之東北二十餘里永年縣之萬頃鄉孝言村中下二堡之間創卜院地躬化千人協力同心斬茅誅樹築垣構基不越周莽而樓殿參差鐘鼓鞀磬遂勝絕一境復以普會故額名之則天甯普會始有分矣止十餘年欵值兵戈蕩析無餘獨得存者率堵波耳復有大比正法號智安姓賈天黨人也隨時應數以濟一方卽於天會十三年師禮道本通經受具諸方遊厯訪道參學抵天眷間來歸普會舊刹周視遺址發大

誓願欲修復之悉繩前制遠近僧之雜然歡慨乃鳩食訪木陶工治鐵官者借勢富者出財壯者獻力巧者呈技質畚荷鍤于橐于囊登登憑憑百具偕興於是敞門之三立殿之二若泊僧之房南北連亘若演法之堂前後重複若檀信之館舍若常住之廩庫若寢若食若廚若廐僅五百餘架役十萬餘工爲梁爲棟爲榱爲桷爲甍瓦爲丹雘各極其妙然後鎔金琢玉刻木扶土運毫合色擬千聖之形容而貯之鼓鐵萬斤架洪鐘而聲之歲月不延一切備具然智安之精進勇猛心不退轉求化於衆則中下二堡之人尤用力多矣皇統之後冬夏二時安集雲臻大德一百八人朝夕焚禮講究佛意至今十有八年歲以爲常度二法脣曰圓覺曰圓辛俾嗣厥事庶幾燈燈相續綿綿不斷後千百年期智安之業不墜也迄正隆丁丑落成建壇求師重授尸羅資戒大佛事而僧俗四衆不啻萬人越明年大法師智瓊親錄其事來訪余求文以示來者余爲紀其實俾泐諸貞珉時正隆三年正月十有一日也國朝王謙記略普會寺在郡東北二十里古名刹也歷唐宋元明皆有修舉迨我朝順治十四年復建毘盧寶殿爲寺主維時協力多人而信士岳景和與焉奈數十年來時日變遷善

衆彫謝猶是寺也殿宇傾頽法相塵垢零落蕭條不復
向日之金碧輝煌矣工程浩大誰敢首事獨有景和自
前役以至今日盡厯風波倍嘗艱險好善之心老而彌
篤每欲修理之而未遑爰捐橐傾囊爲衆人先卽時金
佛塑像各有其人而書名慨施者頃刻不下數百金自
是相率同志徧化十方捐金捐木捐瓦捐灰無不忻然
貢至於足取材荆揚之南鳩工河洛之北智者逞巧壯
者獻力以至同人之管理僧衆之供應無不合心戮力
趨事赴功不踰年而厥績告竣焉毘盧殿大雄殿圓通
閣觀音堂中外配殿之處處處起造也諸佛菩薩羅漢護
法水陸諸神之一一金粧也鐘鼓兩樓乘時而立山門
羣牆以漸而成也又於佛殿左右創晏室二座使高僧
名衲諷詠寢食其中大寺道南建茶坊二間令行人商
客寒暑解懸其際而且蒼松與翠柏層陰鐵馬共石獅
輝映自始建以來未有若斯之盛者也旣竣有同里張
宏者問敘於余紀時日也余因景和與一切善信之功
德並爲不朽可美而可傳也是爲記 胡景樵記略普
會寺俗名夏堡寺在郡城東北二十里攷金時郝大亨
碑記天會間普會舊僧名同休者卜地於永年縣之萬
頃鄉孝言村中下二堡之間創建斯寺是夏堡乃下堡

之訛村因堡而失舊名寺因堡而奪本名也普會舊利
初在郡西北移建於此至今歷六百餘年矣自國朝
康熙三十七年重修後至今又歷百九十餘年矣歲久
殘缺復經劫火蕩然無存同治中眾善士修復大殿一
座卽舊記所謂毘盧殿也嗣以工大費繁中止今
皇帝御極之初韓善人來寺棲止不知何許人亦不言
其名字陶情適性之餘慨然以興修爲己任目雖失明
而人不能欺好談諧善醫術一經診視著手回春因而
聲譽四達求醫者踵相接遠或百里或數百里已不能
往則遣人療治遐邇皆以善人稱之一時貢金貢木捐
瓦石捐灰甎不煩催督之勞募化之力而輸納者絡繹
不絕是果善人之術有以感之耶抑佛家拯世之苦心
默爲主持而靈應若是耶本村人李福全鄰村人栗見
鳳等經理其事鳩工興作自丁亥迄甲午經八寒暑役
萬千工修後殿抱厦三楹建大雄殿五楹殿左右羣房
二十餘楹圍垣一百餘丈山門鐘鼓樓悉備而殿前之
圓通閣千佛閣亦將次第興舉克底厥成焉同里范茂
才從高屬予爲文記其實爰卽所聞者掇述其崖略以
示來許
是爲記

泉亭寺在臨洛鎮西南五里舊志鎮地掘井必三丈乃及

泉惟寺中地掘二尺即得水內有蓮池水泉常溢輔通

志俗云趙王香火院有古井尚存縣志明天啟中邑人李

養冲重修採訪冊明李養志記略去吾鄉南二里許

以布若居也居之左右有趙武靈王臺址在者臘指此
為亭榭地曾供有上方諸品而不自覺其傳之訛云乃
有麗居士者嗜浮屠卜此為精舍基焉數十載前猶留
殘碣可考奇峯突兀流泉清淺有渴飲於井者以手掬
之須臾而解鄉之南依然勝概也迄我孝廉祖益增飾
之而堂廡俱如故繼因修築洛州盡載其殘碣壘城為
基而寺遂傾圯極矣諸比止等亦日習畚耒業祇林修
廕半為牛羊所藉而泉若涸相延荷塘一區亦為豐草
雜也歛歛者久之乃約諸伊蒲塞擬為興復意之所至
不督而集於是鳩工庀材次第重新既周以圉垣復疏
鑿其泉塘俾荷香繼出庶幾於法座前現心蓮乎即比
上方丈亦無使在荆棘中便為檀施者往來焉沿故鼎

新因毀成新荒榛灌莽之間加以丹壘卽三千大千世界應作如是觀功告竣矣傳者當因其碣之所紀以志不忘無惑於山僧所指以爲頂禮招提者悞李芳莎詩新泉三尺淺小市一彎通荷動珠難碎魚來水漸紅幽花香挹露熟果氣隨風社鼓雲中響兒童祝歲豐雜卉初無譜方言強命名風林依鳥宿山水逐門平日烈瓜先實亭深草易生前途歸馬熟自覺去來輕

洪福寺在縣西二十八里三塔村西

採訪冊 明連鑛記略洪福寺莫詳

所爲始厥東有瑩石以志趙保氏者辭引寺繇揭年大定則自金元時有之明興混一中土諸旣淪蕩此獨猶存非故物與宏治中僧繼增繼瀛始一葺理登於崇備徵予伯考名濱先生記蓋爲御史時也延於正德監司有狗名者徧毀祠宇命曰汰淫此適在毀中繇是棟宇摧零而碑礫散亡矣予往過閱蓋甚傷云嘉靖歲戊申鄉人趙鑛住持續僉僧圓海同心勸募興理緒業門庠殿廡卒用以完足垂遠久沙河義民申從仁乃復捐貲伐石用連諸生錫所次狀謁予請爲之記曰佛氏之教入中國其來也久法先王者每懲之如唐韓愈氏非

不毅然力也然卒無以遏其流他如宋魏梁陳間纔一銷鑠尋轉茲熾以及元季之末其廢興不槩見哉乃好事者或務爲淫祠之毀必欲盡取而滅之其如消長之理何而人力之施恐未易與造化角也不以遺多事乎寺西隅聞舊有浮屠塔觀音閣制皆偉甚今無之益可觀興替矣予因作記以諗后之人毋爲峻激以滋崇長毋爲太靡以召沈銷也將無有鑒於斯文

龍泉寺在縣西北四十里龍泉村明嘉靖間增修有和

鳳碑記

採訪冊

案舊志載有清流寺在城西北四十里而不注何村
永年志載有清泉寺在縣西北四十里龍泉村疑係
一寺訪龍泉村人清流清泉卽龍泉寺也今並清流
清泉二名刪去

天甯寺在縣西二十里孔村

舊志明王世揚記略廣平府迤西二十里古刹萬

壽天甯寺建自唐初歷宋元至我朝屢蒙修造成化元年化主僧繼洪嘉靖四年化主僧繼月萬歷七年復有周村秦世忠結蓮社集諸善士各輸財修理一新二十五年住持僧祖善觀寺之形制南北短東西長偕僧緒福同善人祝魁李周發心於寺後修建大殿五間抱厦五間乞化西安府同知翼襄秦公同兄一鸞一鳳弟監生一鶴施金若干十方善士各施瓦磚木植修理完備求余言為記余非學佛也者而好閱佛書嘗與友人觀化寰中挾三才之奧蓋云道出於天世無二天豈有二道其初渾渾天不得不高地不得廣萬物不得不生字畫俱亡安有門戶儒老釋之分皆後世曲士好辯求其源而不得而強為之名也究其洗心退藏一塵不染高不可撓潔不可溷則儒老釋同此根宗無異道已及其設因果報應之說以化誘愚俗補裨世道又有出於言詞禁令之外者因感而為之記

大慈寺在縣西十五里大慈村

同上明張國彥記略洺州迤西十五里大慈

村舊有古刹大慈寺。歷覽其勝。槩南潮滏水北湧淵泉。東臨畿輔。西峙太行。其前後土庶渾渾噩噩。英才輩出。此寺之形勢。豈不昭然。爲偉觀哉。年久傾頽。修葺無人。而後殿雖存。祇爲孤立。爰有居士張仁民等。偕住持僧辛月辛。喜洗心滌慮。共發虔誠。議建中殿。詢及衆謀。允愜輿情。各捐貲命匠。庀材鳩工。不市歲而殿宇維新。厥功告成矣。

因爲之記

大定寺在縣東二十里陳兒寨

同上

蓮臺寺在縣南十二里韓兒寨

同上 明申佐記。略余告政歸時。與諸父老商

里中興革。共爲嗟賞。適有僧明香。悟澤者。持狀來請。余疏其事而記之。余曰。云何。曰。郡城西南十里許。有寺曰蓮臺。去韓兒寨西南僅百步。相傳創規於元至正間。入我朝時。圯時葺。詳在舊記中。茲不復贅。今上歲戊寅。藩藩教授東林蔡公。以故嘗來遊息。其家嗣學憲春臺公。亦時至止。謀欲拓其未廣。增其未備。召父老寺僧告其意指。衆莫不懽然。象指諾。意四方聞者。輸財若流。趨役若赴。越明年前殿四楹。山門四楹。其間佛等聖像俱告

成功衆懼歲久湮沒無以昭告後世願藉一言垂石不朽是役也造謀則東林蔡廷光協謀則郭維新郭朝元郭聞典溫秀郭維臣輸財裝修佛像王才等裝修菩薩羅漢溫鑛等舊起造後殿則溫豹等十五人因併及之

開元寺在縣西南十五里田兒寨一在縣西北四十五

里榆柳村

同上

福聖寺在縣西四十五里瓜井村

同上

保全寺在縣西北四十里尹固村

同上

洪榮寺在縣西北三十五里劉營村

同上

河北寺在縣北五十里朱家莊

同上

順國寺在縣北三十里七方村

同上

清佛寺在縣北四十五里鄭西村

同上

普應寺在縣北三十里曲陌鎮

同上

石佛寺在縣南二十里牛家堡

同上

興國寺一在縣北四十五里高固村一在井兒寨

同上

華嚴寺在縣北三十五里圈子村

同上

大名寺在縣西北二十八里方頭固村巨塚雄立潭水

環注亦勝概也

同上

目連寺在縣西北二十里趙目連村相傳有僧號目連

葬此

同上

清涼寺在縣南三十里袁寨

同上

北河寺在縣北四十里

同上

重修鳳陽縣志卷之四
千佛寺在臨洛鎮北洛河岸上

同上縣志作鎮東

興教寺在臨洛鎮

探訪冊

寶山寺在縣西三十里紅山上嘉慶間重修有馬廷相

記

探訪冊

古巖寺在縣西十五里大辛莊

舊志

明洪武間何子亨施

地創建崇禎間重修有胡沾恩記

探訪冊

觀音寺在縣西十五里馬到固營

縣志

準提菴一在縣治東北一在南門外

舊志

白衣菴一在北城下明崇禎間知府程世昌建一在城

東南隅同上一在西街光緒十五年重修

探訪冊

永錫菴在縣治東

同上

蓮花菴在東關外舊名甘露寺

同上今圯採訪冊

定慧菴在西關外光緒十七年知府吳中彥知縣余效

衡重修

採訪冊

龐居士菴在臨洛鎮南三里有唐貞觀碑記

畿輔通志相傳

居士姓龐名蘊衡陽人結菴在臨洛鎮南有妹凌霄通道術曾度丹霞於此邑紳宋師程施地基以廣菴李芳蘊爲建白衣大士殿採訪冊

三清觀在西甕城

舊志今圯採訪冊

清都觀一名東嶽行宮在縣西蘇村唐時建元延祐間

鸚鵡國公重修明萬厯間增修

舊志明李養蒙記略永邑西蘇村距臨洛半舍有

清都觀是為東嶽行宮西嶽觀山南帶滄水北環沼沙
故勝地也人言棟宇創自隋唐雖誌記無徵然而先世
相傳或亦有據案故額識元延祐六年鶚國公重修迄
今又三百年矣代遠人湮廟貌如故蒼松古柏蔽芾雲
霄斷礎殘碑剝蝕風雨弔古者每為之俯仰歛獻云逮
我明嘉靖五年曾經修葺正殿原制三間始廣為五前
增大厦及重門兩旁建十王殿西立廣生祠獨後殿闕
焉未舉本鄉李應禎等捐貲協助營建後殿五間塑碧
霞元君諸像金碧焜煌丹青掩映東西兩翼舊有道院
三區頗傾圯茲并新之中修靜室外繚以垣為涵為庖
無一不具特舉黃冠有道行者主香火事廟田數畝土
厚泉甘足供蔬素之費是役也經始於萬曆二十六年
至四十二年始告成事嘻備矣美矣神諧而人謹
矣謂不紀曷以垂永久乃敬書之以誌歲月云

三教堂在西關外今僅存基址一在縣西紅山上

採訪

冀擢元記略邑東北三十里許有山紅石嵌其顛甘泉
出其澗樹林陰翳而紅山寺名焉乃邑之佳山水也尤
有佳者寺東十數武南北兩山灣如兩椅形北灣三教
堂與南灣觀音堂坎離相照中界以澗東西山徑通往

來沈稻種蘆其間桃杏楊柳成林獨是堂則風雨不蔽
四垣傾圯卒未有過而問焉者康俗村善人侯自富睹
之惻然以修葺身任其責迺謀之山之西我邑之十數
村山之北十數村錢財木植爭所助米食磚瓦急所捐
經始於康熙六十年告成於雍正五年於是崔巍其臺
榭濶大其棟宇丹堊其椽角又建關聖殿韋陀菴於堂
前兩廊啟淨室廚竈垣墉畢備廟爰神依煥然一新蓋
閱六載勤勞苦力而功斯成矣因爲之記其顛末如此

呂仙祠一在縣南三里午橋一在城東二十里河莊

縣志

玉皇閣在城北隄內

舊志

觀音閣在縣西四十五里臨洺鎮乾隆十五年通判畢

宗高重修

採訪冊

廣生殿在西關外光緒十七年知府吳中彥知縣余敦

衡重修

採訪冊